


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-42	As-Syuura	53	5	Makkiyyah	Ke-62	7



Zaman Diturunkan Surah Dan Latar Belakangnya

Surah as-Syuura adalah yang ke-3 daripada rangkaian surah-surah **حَوَامِيم**, ia diturunkan di peringkat terakhir kehidupan Rasulullah s.a.w. di Mekah sekitar tahun ke-13 Kenabian. Itu juga zaman diturunkan Surah az-Zukhruf, Surah al-An'aam dan Surah al-A'raaf ketika mana berlaku pakatan jahat untuk membunuh Rasulullah s.a.w. Ketika itu orang-orang Quraisy terus meragui da'wah yang dibawa oleh Rasulullah s.a.w. Maulana Amin Ahsan Islahi menulis: Surah ini adalah sebagai surah selamat tinggal kepada kehidupan di Mekah, surah ini sebenarnya adalah pendahuluan kepada tertegaknya negara Islam di Madinah. Di dalamnya diberikan bimbingan-bimbingan dan arahan-arahan untuk melaksanakan syari'at Allah, menegakkan agama dan melaksanakan sistem syura demi mencapai keadilan kemasyarakatan dalam negara Islam. Surah ini menjelaskan tauhid haakimiyyah setelah dibuat perbandingan di antara syari'at Allah dan undang-undang rekaan manusia. .

Perkaitan Surah As-Syuura Dengan Surah Sebelum Dan Selepasnya

1. Di dalam Surah **حم السجدة** telah dinyatakan sikap sombong yang ditunjuk oleh musuh-musuh Allah (**أَعْدَاءُ اللَّهِ**) di muka bumi, Surah as-Syuura ini pula sebaliknya menyatakan langkah-langkah yang perlu diambil berpandukan wahyu dari langit. Umat Islam hendaklah menegakkan sebuah negara Islam berasaskan syura untuk membasmi dan menghapuskan musuh-musuh Allah.
2. Di dalam Surah az-Zukhruf akan datang diceritakan tentang haakimiyyah Allah dalam kedua-dua sistem takwini dan tasyri'iNya. Musuh-musuh Allah tidak menjadikan Allah sebagai hakim dan penguasa tertinggi sebaliknya menganggap diri sendiri sebagai hakim dan penguasa tertinggi, dengan itu mereka telah bertindak seperti Fir'aun yang berkuasa di zamannya.

Beberapa Kata Kunci Dan Tema Utama Surah

1. Melalui perkataan **كَذَلِكَ** dijelaskan bahawa kerasulan dan kenabian Muhammad adalah seperti kerasulan dan kenabian para nabi dan rasul terdahulu. Jawatan kenabian bukanlah suatu perkara baharu dan pelik. Di dalam surah ini, perkataan **كَذَلِكَ** disebut beberapa kali, dengannya dikaitkan silsilah risalah Nabi Muhammad s.a.w. dengan risalah para rasul terdahulu. **كَذَلِكَ** disebutkan sebanyak 3 kali (Ayat: 3, 7 dan 53). Pada ayat ke-15, satu kali ia disebut dengan lafaz **فَلَذَلِكَ**.
2. Di dalam surah ini dijelaskan 3 cara wahyu disampaikan kepada para rasul, cara ke-4 iaitu melalui mimpi telahpun tersebut di dalam Surah as-Shaffat dalam peristiwa pengorbanan Nabi Ibrahim dan anaknya Nabi Isma'il.
 - (a) Melalui isyarat pantas yang Allah masukkan ke dalam hati seseorang nabi (**وَحْيًا**).
 - (b) Bercakap dari balik tabir (**أَوْ مِنْ وَرَائِ حِجَابٍ**).

(c) Dengan menghantarkan malaikat membawa wahyu (أَوْ يُرْسِلَ رَسُولًا) (Ayat: 51).

وَمَا كَانَ لِنَبِيٍّ أَنْ يَكْتُمَ إِلَهًا وَرَأَىٰ حِجَابٍ أَوْ يُرْسِلَ رَسُولًا فَيُوحِيَ بِإِذْنِهِ مَا يَشَاءُ

3. Orang-orang yang menegakkan benang yang basah ketika berbincang tentang zat Allah (يُجَادِلُونَ) (Ayat: 35) dan orang-orang yang bertengkar dengan sia-sia (يُحَاجُّونَ فِي اللَّهِ) (Ayat: 16) dikunci mulut mereka dengan 3 perkataan sahaja iaitu لَيْسَ كَمِثْلِهِ شَيْءٌ (tidak ada suatu apa pun menyerupaiNya) (Ayat: 11). Ini merupakan tema tauhid zat.

4. Melalui perkataan أولياء, syirik dalam walayah beberapa kali ditolak. Orang-orang musyrikin diingatkan supaya tidak menjadikan مِنْ دُونِ اللَّهِ sebagai أولياء (pelindung, penyelamat dan pembela) mereka. Allahlah wali bagi segala-galanya, Dialah yang melindungi dan menjaga segala-galanya. Ini adalah tema tauhid walayah dan tauhid qudrat.

(a) Allah memerhatikan orang-orang yang menjadikan غَيْرُ اللَّهِ sebagai walinya. Rasulullah s.a.w. bukanlah orang yang menjaga mereka dalam perkara ini (Ayat: 6).

وَالَّذِينَ اتَّخَذُوا مِنْ دُونِهِ أَوْلِيَاءَ اللَّهُ حَفِيفٌ عَلَيْهِمْ

(b) Tidak ada wali (penolong dan pembantu) kepada orang-orang zalim yang menganggap غَيْرُ اللَّهِ sebagai walinya (Ayat: 8).

وَالظَّالِمُونَ مَا لَهُمْ مِنْ وَلِيٍّ وَلَا نَصِيرٍ ⑤

(c) غَيْرُ اللَّهِ tidak dapat memberikan kehidupan kepada sesiapa pun, Allahlah yang boleh menghidupkan orang yang mati, kerana itu manusia hendaklah menerima Allah sebagai walinya, bukan غَيْرُ اللَّهِ (Ayat: 9).

(d) غَيْرُ اللَّهِ tidak mempunyai kuasa untuk menurunkan hujan, Allah sahaja yang menyebarkan rahmatNya melalui hujan, kerana itu Dialah sebenarnya wali manusia dan manusia hendaknya memuji Allah sahaja (Ayat: 28).

وَهُوَ الَّذِي يُنَزِّلُ الْغَيْثَ مِنْ بَعْدِ مَا قَنَطُوا وَيَنْشُرُ رَحْمَتَهُ وَهُوَ الْوَكِيلُ الْحَمِيدُ ⑥

(e) Tiada siapa pun yang boleh melemahkan Allah baik di langit mahupun di bumi, Dialah punca segala kuasa, kerana itulah manusia tidak seharusnya mengambil orang lain sebagai wali dan pembelanya (Ayat: 31).

وَمَا أَنْتُمْ بِمُعْجِزِينَ فِي الْأَرْضِ وَمَا لَكُمْ مِنْ دُونِ اللَّهِ مِنْ وَلِيٍّ وَلَا نَصِيرٍ ⑦

(f) Sesiapa yang Allah sesatkan, tidak ada sesiapa pun yang dapat memberi hidayat kepadanya (Ayat: 44).

وَمَنْ يُضِلِلِ اللَّهُ فَمَا لَهُ مِنْ وَلِيٍّ مِّنْ بَعْدِهِ

(g) Tidak ada sesiapa pun selain Allah layak menjadi wali (pelindung) yang dapat menolong manusia dan menunjukkan jalan petunjuk kepadanya (Ayat: 46).

وَمَا كَانَ لَهُمْ مِّنْ أَوْلِيَاءَ يَنْصُرُونَهُمْ مِّنْ دُونِ اللَّهِ وَمَنْ يُضِلِلِ اللَّهُ فَمَا لَهُ مِنْ سَبِيلٍ ﴿٤٦﴾

5. Perkataan استجابة beberapa kali digunakan, melaluinya manusia diseru supaya menerima ajaran tauhid. Mereka juga diingatkan tentang akibatnya.

(a) Manusia diseru supaya menerima Islam dan mereka diancam dengan hari kiamat (Ayat: 47).

أَسْتَجِيبُوا لِرَبِّكُمْ مِّن قَبْلِ أَنْ يَأْتِيَ يَوْمٌ لَا مَرَدَّ لَهُ مِّنَ اللَّهِ مَا لَكُمْ مِّن مَّلْجَأٍ يَوْمَئِذٍ وَمَا لَكُمْ مِّن نَّكَيرٍ ﴿٤٧﴾

(b) Orang-orang yang menerima seruan Islam beriman dan beramal shaleh, Allah semakin menambahkan kepada mereka kurniaanNya, orang-orang yang menolak seruan Islam pula akan berhadapan dengan azab yang teruk (Ayat: 26).

وَيَسْتَجِيبُ الَّذِينَ ءَامَنُوا وَعَمِلُوا الصَّالِحَاتِ وَيَزِيدُهُم مِّن فَضْلِهِ ؕ وَالْكَافِرُونَ لَهُمْ عَذَابٌ شَدِيدٌ ﴿٢٦﴾

(c) Orang-orang yang menerima seruan Islam mendirikan shalat, saling bermusyawarah dan membelanjakan apa yang Allah kurniakan sebagai rezeki kepada mereka (Ayat: 38).

وَالَّذِينَ اسْتَجَابُوا لِرَبِّهِمْ وَأَقَامُوا الصَّلَاةَ وَأَمْرُهُمْ شُورَى بَيْنَهُمْ وَمِمَّا رَزَقْنَاهُمْ يُنفِقُونَ ﴿٣٨﴾

(d) Orang-orang yang tetap berkeras kepala dan degil walaupun telah disampaikan seruan Islam kepadanya tidak mempunyai hujjah yang kuat, mereka akan mendapat kemurkaan Allah dan akan berhadapan dengan azab yang dahsyat (Ayat: 16).

وَالَّذِينَ يُحَاجُّونَ فِي اللَّهِ مِمَّا غُضِّبَ لَهُمْ هُنَّ أُولَئِكَ حُجَّتُهُمْ دَاحِضَةٌ عِندَ رَبِّهِمْ وَعَلَيْهِمْ غَضَبٌ وَلَهُمْ عَذَابٌ شَدِيدٌ ﴿١٦﴾

Orang-orang yang menerima seruan Islam pula dipanggil عِبَاد (Ayat: 23, 25, 27 dan 52).

6. Di dalam surah ini dibuat perbandingan di antara 2 syari`at, yang pertama ialah syari`at Allah dan yang kedua ialah syari`at dan undang-undang rekaan manusia, ia tidak pernah dibenarkan oleh Allah. Adalah menjadi tanggungjawab kita berusaha melaksanakan syari`at dan undang-undang yang diturunkan Allah dalam segenap kehidupan kita.

(a) Syari`at Allah (Ayat: 13).

شَرَعَ لَكُمْ مِّنَ الدِّينِ

(b) Syari`at ciptaan manusia (Ayat: 21).

شَرَعُوا لَهُمْ مِنَ الدِّينِ مَا لَمْ يَأْذَنْ بِهِ اللَّهُ

7. Erti menegakkan agama ialah melaksanakan syari'at, menegakkan agama juga bererti melaksanakan keadilan (Ayat: 13).

﴿شَرَعَ لَكُمْ مِنَ الدِّينِ مَا وَصَّى بِهِ نُوحًا وَالَّذِي أَوْحَيْنَا إِلَيْكَ وَمَا وَصَّيْنَا بِهِ إِبْرَاهِيمَ وَمُوسَى وَعِيسَى أَنْ أَقِيمُوا الدِّينَ وَلَا تَتَفَرَّقُوا فِيهِ﴾

Ini merupakan tema tauhid haakimiyyah (Ayat: 15).

وَأُمِرْتُ لِأَعْدِلَ بَيْنَكُمُ

8. Di dalam surah ini dikemukakan satu prinsip yang paling penting iaitu sama ada untuk dunia atau akhirat, manusia memerlukan kegigihan untuk mencapainya. Orang-orang yang bertungkus lumus hendak mendapatkan dunia sahaja tidak akan mendapat apa-apa di akhirat, orang Islam yang baik ialah orang yang gigih dalam usahanya untuk mencapai kebahagiaan dunia dan akhirat, merekalah sahaja yang akan mendapat hasil usaha mereka untuk kedua-dua negeri dunia dan akhirat. Perkataan حَرَتْ adalah suatu kiasan kepada usaha dan kegigihan (Ayat: 20).

﴿مَنْ كَانَ يُرِيدُ حَرْثَ الْآخِرَةِ نَزِدْ لَهُ فِي حَرْثِهِ وَمَنْ كَانَ يُرِيدُ حَرْثَ الدُّنْيَا نُؤْتِهِ مِنْهَا وَمَا لَهُ فِي الْآخِرَةِ مِنْ نَصِيبٍ﴾

9. Di dalam surah ini juga dinyatakan bahawa orang-orang yang diberikan rezeki yang sedikit juga tidak terlepas daripada hikmat kebijaksanaan Allah, jika Dia melapangkan rezeki kepada hamba-hambanya nescaya mereka melakukan kerosakan di muka bumi. (Ayat: 27).

﴿وَلَوْ بَسَطَ اللَّهُ الرِّزْقَ لِعِبَادِهِ لَبَغَوْا فِي الْأَرْضِ﴾